

商城縣志

卷之九

卷之九

人物志

仕賢 孝友 忠義

文苑 卓行 流寓

隱逸 方技

商城縣志卷之九

知商城縣事榮河武開吉纂修

人物志

仕賢
卓行

孝友
隱逸

忠義
流寓

文苑
方技

山川磅礴清淑之氣芝草醴泉不能獨當也故靈奧之區必有偉人畸士以發之邑山水融結頗具形勢漢唐以來人材何落落耶及考自立縣以後名卿碩彥聯鑣繼軌或不朽於國或不朽於家或殺身以成仁或因文以見道厲行卓犖者有人素履幽貞者有人他如流寓之賢方技之士類皆能各行其志以軌

商城縣志

卷之九

人物志

一

於正嗚呼抑何盛與我

國家化行俗美賢才衆多其來蓋有自矣後之人仰慕前徽克紹家學當思爲賢祖父之子孫易爲賢子孫之祖父難庶前不愧作後不愧述相與箕裘堂構以無負

聖朝棫樸菁莪之化宰斯士者有厚幸焉作人物志

仕賢

凡五十六人

春秋

孫叔敖一名蔦艾獵賈之子莊王九年蔦賈見敖於

王旣而隱於民間令尹虞邱子知其賢薦於莊王
爲楚相施教導民上下和合世俗盛美政綏禁止
吏無奸邪盜賊不起秋冬則勸民山採春夏以水
各得其所使民皆樂其生嘗決期思之水以灌雩
婁之野儲粟無算三年而楚國遂霸及卒其子困
窮負薪優孟以談笑諷諫王乃召其子封之濳邱

祀鄉賢 節郡志

漢

郭憲字子橫汝南宋人少師事東海王仲子時王莽

商城縣志

卷之九

仕賢

一一

爲大司馬召仲子仲子欲往憲諫曰禮有來學無
往教今君賤道畏貴竊所不取仲子曰王公至重
不敢違之憲曰今正臨講業且當訖事仲子從之
曰晏乃往莽問君何來遲仲子具以憲言對莽陰
竒之及篡位拜憲郎中賜以衣服憲受而焚之逃
於東海之濱莽深忿恚討逐不知所在光武卽位
徵憲拜博士建武七年代張堪爲光祿勳八年西
征隗囂憲諫曰東方初定車駕未可遠征乃當車
拔刀斷鞞帝不從遂進幸上邳其後潁川盜起河

東兵變叛京師騷動帝聞之曰悔不用郭子橫之
言時邊塞數警帝患之乃召百僚廷議憲以爲天
下疲敝不宜動衆諫爭不合因伏地稱眩瞽帝令
兩郎扶下殿憲亦不拜帝曰嘗聞關東觥觥郭子
橫竟不虛也憲遂以病辭退卒於家所著有洞冥
記四卷拾遺一卷祀鄉賢

節史傳

明

余思銘江西人原平章余普清之子元末避兵金剛
臺從者萬餘人遂居於商明初歸附授平章甲辰

商城縣志

卷之九

仕賢

三

八月詔思銘領所部兵從征是年平司空山程德
權有功擢六安衛指揮同知復擒德權餘黨祝平
章等檻送中書省斬之已而復從大將軍徐達取
陝西鳳翔等處賜緋衣一襲賞鎮撫二員後征西
番卒於途勅葬隆門里崇祀鄉賢子亨襲華山衛
指揮僉事

從許志

熊概字大節成化進士授南京戶部主事遷員外郎
任部曹十年出納錢穀不以一毫自染人服其廉
出守臨洮地當彝夏之交河西諸鎮皆取辦於此

概悉心經畫咸中機宜隱然若長城焉以疾告歸

卒於家

從郡志

汪璧宏治丙辰進士正德間爲監察御史剛直敢言

中外震懼時劉瑾擅權抗疏劾其罪後爲瑾排陷

而死祀忠義

從郡志

王浙字石額嘉靖丙戌進士任四川威茂副使以移

疾歸杜門著述足跡不至公廷輿論重之子蕙隆

慶辛未進士任陝西苑馬寺少卿告歸終養孝親

睦族惠及鄉里邑諺有曰王氏爲官不愛錢居鄉

商城縣志

卷之九

仕賢

四

如無官父子祀鄉賢

節郡志

黃沛字覺齋學有本原士類翕然從遊日衆舉明經

除澤州丞減賦輕徭不剥民以肥私治蹟大著課

最上擢因忤權貴遂棄官歸澤人尸祝焉順治初

邑令衛公貞元陽城人猶道沛在澤時惠政歷歷

不衰所著有東山集

今失稿

王津字濟川嘉靖辛酉舉人性恬退有操守任上津

令撫愛百姓如慈母之哺嬰兒以抗直見忌遂掛

冠歸栖遲衡泌寄情於詩酒得異人傳養生術年

逾九十飄然若神仙中人 從郡志

劉任號宏所萬歷庚辰進士不輕言笑晏處如對大
賓起家爲縣令愛民作士舉卓異擢戶部轉牧守
別歷中外所至有善政及備兵靖邊練士馬增墾
堡西北之人倚爲保障積勞成疾告歸里居凡邑
中利害直言當道不避嫌忌生平著述甚富年八
十餘猶有皓首篇云 從許志

劉湧字汝川 古力學登萬歷丙戌進士初授邑令
約已守法與民相安所至雖無赫赫名而去後常

商城縣志

卷之九

仕賢

五

令人思歷官四川叅政 致歸里敝廬布袍若未

嘗貴顯者 許志

袁志高號翔 守溪震川馳聲兩

河土咸宗之萬歷己丑登進士授廣平府推官以
清慎稱遷戶部 以病卒經濟未獲盡展子

光濟能以文學世其家 節志

洪其道字心源性端方爲文非六經語不道萬歷已
丑進士授雒南知縣平賦稅捐羨餘政績大著尤
好推獎髦俊三年以異等內召擬擢諫垣因忤時

宰意授刑部主事未幾拂袖歸里衣食樸遯如農
家設家塾教授生徒子應衡登萬歷丙戌進士姪
應嵩弱冠中乙卯解元一時庠俊多出其門年七
十二卒崇祀鄉賢

從郡志

黃焯字明豫幼慧通經史早年食餼屢躋名場益刻
厲攻苦萬歷壬辰聯捷進士授平湖令惠政不一
施學士鳳來及毛銓等皆平湖名下士久困諸生
焯厚遇之甲午爲決科曰是科可售者五人毛子
當前茅若元燈一炬則惟羽王擅長耳羽王鳳來

商城縣志

卷之九

仕賢

六

字也迨榜發名次不爽滿六載擢吏部主事未及
任而卒士民如喪所親崇祀平湖名宦邑鄉賢

郡志

熊偉字慎吾幼穎異九歲能文十四補弟子員萬歷
壬午舉於鄉杜門著述不與外事乙未成進士除
陽城令興利剔弊愛民如子衙胥田王用憚舞弊
爲邑害偉立斃之一境肅然以疾卒於官櫬歸之
日惟圖籍數卷而已崇祀陽城名宦邑鄉賢

從郡志

王岐副使浙季子弱冠負文名每搆一藝川湧雲聚

有馳騁千古之思浙嘗稱之曰吾家赤金子也嘉
靖甲子同考官以元薦主司欲置第二強執不可
竟不獲一第萬歷間以明經宰吳堡每聽訟務以
理喻人不事刑撲甫一載以終養歸日與兄莛莛
等奉甘旨修子職家庭雍穆泊如也伯兄莛初由
洮倅歷苑馬寺少卿次兄莛亦以明經任臨洮倅
潔已奉公與民不擾郡人曰王公兄弟惠此一方
抑何幸也莛年未艾卽致政終日手不釋卷每嘆
曰吾一生惟有書債未償耳尤篤氣誼待親戚故

商城縣志

卷之九

仕賢

七

舊白首無間言

從郡志

王照字湛臺副使浙孫幼失父從兄煦學過目不忘
人以神童稱之萬歷戊戌登進士授冠縣令邑故
土城易之以磚學宮縣治次第修建聽訟不差拘
使原告轉集被者鄉民止食一餅而訟詞已結羣
頌爲王一餅云歷戶部郎中管揚州鈔關征商稅
減於常額之半而輸國課一如常額繼有友人罹
獄以力不能救遂棄官歸居鄉不置田園嘗謂二
子佺偃曰予八歲失父猶自成立今若曹不能勉

爲之天啟壬戌起知淮安府卒於官

從郡志

周之綱字振之萬歷甲辰進士授濟南府推官調廣平清慎自持執法無枉擢兵科給事中時熹宗卽位以侍衛東宮功予諸寺監世蔭之綱愷切極諫事以中寢又劾魏忠賢客氏之奸甲子秋偕太史陳子壯典試浙江將行會副都御史楊漣疏列忠賢二十四罪之綱復具疏佐之疏上整衣危坐靜聽處分不報趨入浙所拔士如翁鴻業以提學死德州之難凌義渠以大理卿殉甲申之難尤其卓

商城縣志

卷之九

仕賢

八

卓者復命楊漣已繫獄之綱復抗疏力救忠賢遂摘試錄中語多觸犯矯旨削職崇禎改元起補提督四譯館尋陞南京光祿寺卿進兵部侍郎崇禎十四年卒年八十有三

節郡志

周汝弼字二咸慷慨有氣節萬歷丙辰進士授肥鄉令多善政擢御史值魏璫專權從副都御史楊漣上疏極諫中云願請尙方肆諸市朝璫恚甚矯旨除名汝弼聞命卽日策蹇就道後起爲江右糧道每兌漕輒自除冠服雜入糧艘查驗莫能欺歷

副都御史節鉞延綏訓練兵馬申明號令邊賴以
寧時閣部楊嗣昌議調延綏兵勦賊汝弼以地方
空虛力爭嗣昌啣之遂乞歸

節郡志

周汝璣字柱瀛萬歷癸丑進士授池州推官操持峻
潔性詳慎獄多平反獲昭雪者以百計築湖隄十
里溉田千頃至今稱周公堤行取御史偕兄汝弼
劾魏璫左遷揚州僉事尋轉淮海副使時淮有水
荒請於蘇家嘴築堤三十里又邵飛黃李龍山等
爲郡逋寇汝璣密授計擒之駐防海州親率士卒

商城縣志

卷之九

仕賢

九

破賊艘百餘明亡寓金陵老乃歸

節郡志

張應輅字黍生廉使舜命次子母高氏蚤喪事繼母
以孝聞萬歷丙辰登進士授南昌推官清捺自勵
一介不取郡人嘗曰張公只飲江西一杯水耳遇
疑獄虛心研鞠應開釋者不憚與直指力爭以父
憂歸遺產悉以讓兄服闋遷吏部主事未幾卒於

官

從郡志

孔榮宗字恢初博通史籍尤明習國家故事萬歷己
未成進士除長垣令以廉能著壬戌調繁蘄水甫

下車見學校頽敗愀然曰諸生讀六經取金紫而可弁髦先師如此乎遂捐三百金爲之倡邑人踴躍赴之越八月告成制豪猾恤里甲蠲罰緩種種善政人戴之如父母爲立孔邇坊秩蒲遷禮部員外又建南國棠蔭坊歷湖廣叅政以魏璫弄權拂袖歸里邑人崇祀鄉賢

節許志

周士琦字一韓兵部侍郎之綱姪天啟乙丑進士授安平令發奸摘伏四境肅然調棗強抑強植弱民得其所以內艱服闋起知蕪湖興學校勸農桑折

商城縣志

卷之九

仕賢

十

獄無留牘行取入都未及除官而卒時論惜之

從

郡志

馬之圖字斯洛萬歷甲辰進士授吏部稽勲主事神宗朝世爵冒濫子弟承襲者多以賄聞之圖力矯其弊杜絕請托簪纓之族相感而化晉員外郎未幾卒於官之圖精藻鑒善知人教長子以文次子以武於童稚中擇周汝弼洪應衡爲婿嘗曰四子忠貞不但富貴已也卒之剛中翰林柔中指揮周累官中丞洪歷兵憲或殉難或死諫悉知所言崇

祀鄉賢 節許志

宋文昌字泰六萬歷丁未成進士授蘄水令持身廉潔平賦稅均徭役期日而民歌之創書院置學田簿書之暇與邑博士課弟子員文藝評次甲乙終日忘倦三年殿最擢文選司主事銓政一清晉本部員外郎以病卒崇祀鄉賢 節許志

王俊字恬夫崇禎辛未進士授行人擢御史巡視東城貴豪一時斂迹以風力按陝有攬轡澄清之志總督洪承疇以降賊數萬人命俊督之多方措置

商城縣志

卷之九

仕賢

十一

感以信義賊悉爲我用嘗手書示族里曰以三寸頽穎支百二山河心力交瘁死而後已後以病劇暫憇潼關嘔血而卒 從郡志

陳賓盛字蒼野善屬文學使令與府屬十四學諸生分場偕試每一學發案轍冠其軍天啟乙丑成進士除戶部主事提調崇文門稅課革諸弊政歷本部郎中以疾歸猶講學不輟日拈一藝手授諸弟子焉年七十餘 節許志

國朝

洪應嵩字穉豫明副使應衡弟中萬歷乙卯解元順治己丑進士授南宮令字民愛士政簡刑清遇荒歲多方賑濟邑無流亡方以循良奏最遽率於官士民惜之

從許志

周士璿字虞赤明侍郎之綱姪順治初以歲貢知慶都邑當孔道兵燹之餘民更貧瘠士璿除雜派減供應困以稍甦轉知宛平法在必行豪猾斂跡尋擢慶陽同知歷南昌太守則政務寬大以滌繁苛蓋因地立政故所至有聲

節郡志

商城縣志

卷之九

仕賢

十一

熊奮渭字汝望偉之子萬歷丙辰進士初授如臯令調繁泰興所至有惠政歷戶工左右給事中清剔布花冒軍諸積弊時魏璫肆虐疏劾之不報甲子奉命典山左試璫摘闈中泰交策問中語矯詔削奪崇禎改元起兵科擢尙寶卿丙子典山西試旋巡撫浙江練兵核餉肅清海澨以底定功加兵部侍郎尋擢南戶部倉場侍郎以疾隱棲霞山會舉朝推轂

召攝南計部順治丁亥補大理卿戊子擢刑部侍郎平反

甚衆庚寅增秩都察院右都御史廕一子入監辛卯告歸優游田里以康熙甲寅歲卒年九十有六節家乘

熊輿字君乘司寇奮渭子司寇撫兩浙軍以功蔭一子序當輿承襲指昆弟曰吾儕皆父母毛裏獨我可邀餘榮耶以讓弟季良順治戊子舉人除陝西同官縣同故湫隘地瘠民貧公至剔弊除害暇則進諸生躬自勸課之卯闈充同考官稱得人如呂奏武數子悉秦中知名士也尋署耀州不立威名

商城縣志

卷之九

仕賢

十三

務持大體嘗捐俸置義地以揜暴骸偶以事至鄉雖一粥一蔬不以擾民人稱熊菩薩云以養歸旋卒於家

熊輦字穀臣奮渭子十八補弟子員九試棘闈不售忻然自得若有若將終身之意庚辰以歲貢任滎陽訓導與諸士論文一遵先正遺範勤於訓課朔望第其甲乙閱二十年啟迪無倦容廣文故寒官榮益甚輦處之自若恒令蒼頭種蔬易糧以食年八十有三

沈一澄字澹永爲諸生時邑都憲楊所修延於家每閱其文必與諸子嘆賞曰澹永未易才當以國士待之登順治壬辰進士任保寧府推官擢刑部員外郎讞獄準情酌理吏不能欺後致仕歸獎勵後進老而彌篤凡邑中習舉子業者無不就正其門

從郡志

黃卷字奉豫孝子榮季子學問淹洽順治十七年邑令高公修邑乘延卷編著康熙五年以拔貢爲尉氏教諭勤於訓迪每校課諸生隨其姿稟高下誘

商城縣志

卷之九

仕賢

十四

之不執一法旦暮飲食皆捐俸給之士來請業者無虛日先是尉邑文風不振三十年科第寥落卷竭力培植己酉科入殼者三人由是科第甲一郡性廉介取與不苟辛亥冬歿於官布袍單被無以爲殮上官憫其狀各出俸以賻送之還里所著有覆甕草石船居詩稿及述先孝子廬墓詩文傳序

節許志

楊名世號方山戊子舉人除浮山令清逋賦振士風三載考最擢乾州知州乾當西北孔道徭役煩重

野多剽竊名世除襍派清保甲嚴禁酒博萑苻肅
清民無科累有囚因隣婦詈其母忿殺之已置辟
矣名世廉其情力爲開釋得減死由是他邑訟獄
咸願質成上官嘉其才擬首薦以疾力辭歸里敦
親好廣周卹構書齋於城西南隅課子孫其中舉
鄉飲大賓優游二十餘載年七十八乃卒士林稱
爲方山先生

節郡志

王調字無戾明刑部郎中照孫與弟詞俱有文名辛
巳城陷父佺被執調乞賊釋父父叱曰國破家亡

商城縣志

卷之九

仕賢

十五

父子同死宜也何乞爲賊怒以巨鎚擊之父子撲
地賊去逾時聞有人呼其名曰速起火且至矣調
漸甦見父已死方憑尸哭忽弟詞至昇父淺堊訖
賊果縱火得脫於難順治戊子以選貢入成均康
熙辛亥授延平通判持已以廉臨民以恕被布茹
蔬不改寒素數千里寄弟姪輩僅一筆一墨而已
或有謂其過苦者調曰不敢忘先訓故也以病卒
於閩囊無餘物同官助之乃得殮

從郡志

黃瑞字天璞性豪爽有遠畧值明季流寇蜂起失業

從戎我

朝定鼎投蘄州叅將韓友標下爲軍官後從征滇黔以
軍功授龍泉關守備康熙十一年又以前功遷甘
肅提督靖逆侯中軍遊擊時王輔臣據蘭州叛瑞
隨師進討功居最蘭州平題瑞署副將兼統領永
固城兵馬協守四年邊境肅清叙蘭州戰功加都
督僉事遷台州副將瑞修明軍政海寇歸誠越三
載軍政卓異奉

陛見賜蟒服旋授浙江平陽鎮總兵歷五載卒於任瑞

商城縣志

卷之九

仕賢

十六

自始受戎職以逮總節鉞凡數十年竭力封疆不
避艱險與士卒同甘苦如家人父子而嚴禁淫掠
犯者不宥以故人爭効命而又咸知奉約及沒

賜祭塋如例封榮祿大夫

從郡志

王麟貌魁梧有胆畧

國初投誠以功授固山額駙後大兵出潼關蕩平全陝

綏定蜀隴麟躬擐甲胄戮力行間戰功最著

從郡志

熊奕久字石洲少孤育於母張氏績學能文長於經
世之畧康熙壬子舉人授綏寧令綏寧古夜郎地

爲楚極邊猺獠龐雜時出擄掠奕久設法撫勦民
賴以安嘗爲便民條議四則上之大吏次第舉行
綏人便之著卹災說三息訟說一洞悉人情明達
治體己卯調鄉試同考抵晴川卒於舟次

楊人龍字雲趾名世子以選貢任湯陰教諭教士有
法不以文藝爲先修彰德府志人稱信史以內外
艱歷林縣魯山兩任教士之法一如在湯陰時卒
於官子一凱扶櫬歸里三邑人士徒步送者甚衆
熊材奇字無異綏寧令奕久次子善屬文工楷法晚

商城縣志

卷之九

仕賢

十七

年愛米書凡所臨摹無不各臻其姓性孝友己酉
以歲貢授尉氏訓導正身率士虛心論文日以植
品力學爲諄諄尉令繆覺軒先生顏其額曰端方
清慎學使吳將特薦之疏未上而材奇卒士林哀
之

吳顯謨歲貢生濟源縣訓導幼事母孝老猶勤學居
官栽培士類歸里後與人接見惟以詩書孝弟相
敦勗蓋一鄉之望云

任以寬字宇度雍正癸卯舉人任孝豐令革諸政

遇旱露頂跣足禱雨立應請貸倉穀數犯大吏顏
不顧振興文教中式者元魁接踵壬申鄉試充同
考官所舉多成進士者以終養歸士民遮送流涕
進治豐政績冊眷戀之私溢於言表
板存起復改
祥符教諭尋歸老年八十八卒

楊克繩字其武孝廉一道子事祖父母暨母能得其
勸心以冠軍補弟子員旋食廩餼乾隆辛酉科子
文蔚聞報而殂克繩自是淡於名場後以歲貢官
儀封訓導能教其士循分守法不干有司以老歸

商城縣志

卷之九

仕賢

十八

課子教孫年八十一子文幟增貢生文鑰乾隆己
酉舉人文峰丁酉舉人揀會昌知縣改授良鄉丞
贈如其官

楊克緝字敬熙善事父母兄早逝事嫂如母雍正乙
卯舉人壬戌會試以明通授新蔡教諭課士悉有
法度諸生王元介家貧績學緝每歲以三十金助
之值歲饑襄辦賑務邑人德之壬申成進士會汝
河汜濫觀察曹詢治河術指畫多中皆繁早異引
見授廣東普寧令請假省墓卒於家

張皓元喜讀書國學生援例授鹽課大使歷任山東西繇官臺兩場事裁一切陋規鹽梟某某藉長例錢爲交通公私兩病元實力究辦無少貸上憲嘉其才會丁母艱歸里好善樂施遇鄰里俊秀之士則延師訓之邑南溫泉舊爲張有元增修室宇益以田產捐爲公所

周作哲字遠明明太常寺卿汝璣元孫父封臣廩貢積學力行望重鄉閭哲生而穎異甫四歲於母汪氏懷抱中授葩經及通鑑總論輒朗朗成誦家素

貧讀書益不輟嘗自言曰吾釜可十日不炊手不欲一日釋卷也乾隆丁巳成進士除星子縣星濱鄱陽湖風濤中姦匪爲患哲增置救生船十餘隻大小漁艇悉編號令互相保結匪患以平會有建議由渚溪開河避湖道以利糧艘者哲力陳勞民傷財萬難成功事遂寢時都昌縣民有爭草場者每以械鬥成案哲廉得其實請於上置衙蠹侵漁者於法積案遂清調知廬陵多所整頓取不法者繩之四境肅清適鄰邑上猶龍泉小醜煽動

交馳哲以靜鎮不驚訛言民情寧謐中丞胡公寶
瓊入其境異之委攝吉安府篆隨擢寧州牧既去
廬陵士民以思樂仁侯十餘章歌之寧僻處萬山
棚民交錯姦匪易匿爲之紀戶口設店簿居民行
旅兩便之勅建書院簿書期會而外輟聚諸生講
經課藝會因廬陵失查案被議引

見仍以原職補賓州知州抵任四月復以公罪免行李蕭
然囊無長物歸無一椽居蔽風雨寄栖他人屋宇
晏如也著有醉古軒文集桐陰書屋詩集數卷年

商城縣志

卷之九

仕賢

二十

六十有六以疾卒子廷琤恩貢生候選教諭

吳惇字徽典篤於孝友父宗陵早逝率兄教維謹好
施樂善乾隆癸酉領鄉薦辛巳以明通授武安學
博勤訓課暇與縣尹張詩酒唱酬同年顧某以赴
任卒於途助資返其喪與武安郭某友善會某死
家貧子幼伙助之子藉以立己丑成進士授刑部
主事旋卒年五十九

熊苾字亶時家貧不能自立堂叔珍周以資斧延師
課讀苾克自振拔爲文無隻字寄人籬下者乾隆

癸酉舉人授臨漳教諭課士有方性廉潔一介
苟取得俸悉以養親以艱去服闋補內黃教士如
初卒於官圖書之外別無長物

周作淵字澄懷以廩貢任鹿邑訓導課士有方奉委
捕邪教獲首惡查水災僱漁舟以拯溺者遷建平
令聽訟持平案無留牘會歲饑力請辦賑並截米
以濟民食全活無算旋以囹圄空虛麥秀雙岐入
奏擢廣東惠州府同知獲洋盜魁議叙加級以病乞休
歸里課讀之暇仍以便鄉人周戚黨爲汲汲年六

十有八著有周易輯要杜詩串解嶺南詩草郎川
公事畧等書子七賡署醴泉令景薊州判鉞進士
候選員外郎曦光祿寺典簿鐸庠生餘亦蘄然見
頭角

高暎字帶容初任廣東高要縣令民忘官役獄多平
反歷署澄海東莞新安一如任高要時卓薦以直
隸州用借補濱州捕蝗以身先次年春大水辦賑
務時方伯循行察民疾苦至境詢諸父老皆曰高
父母實心愛我無侵漁也委修黃河閘河以工代

賑多所存活恭逢

鑾輅東巡承辦曲陸行宮蒙

恩加級賞大緞荷包有差旋以盜案罷吏議時子其睿任

山東總藩經歷迎養於署乾隆五十四年赴都祝

釐賞給原銜歸里建宗祠修家乘一切經費身獨任之毫

不派及同姓云姪慶齡黃陂縣大城潭巡檢先是

慶齡以揀發赴湖北歷委殷家坳魚峽口糧臺襄

陽火葯局務日則督運夜則巡哨一載有餘積勞

成疾旋署宜城縣尉宜當孔道尤教匪出沒之區

商城縣志

卷之九

仕賢

二十一

慶齡督鄉勇防範不稍懈嘉慶五年四月教匪漸

平始赴大城潭任七月以疾卒於官

楊嘉年字南極乾隆己卯舉人大挑一等揀發廣西

歷署義寧馬平懷集諸縣葺書院決疑獄多著懋

績補蒼梧令治獄不尚刑名適狡者某爲某繼子

忤父志數見逐旣而自理於庭曰盜殺吾父已實

獲之迨械至皆鼠竊狗盜殊不類殺人者公佯退

忽升堂大呼曰汝覬父財行弑乃以偶獲小竊而

誣之耶狡者語塞遽自承人服其明時滇南用武

廣西採馬者多病民嘉年預爲籌辦民無累而亦無誤制軍深許之以風歎求去不許竟以是卒於官

熊第字光甲乾隆庚辰舉人丙戌大挑一等揀發安徽署貴池事遇水災辦理有方人咸德之大吏廉其能將以劇邑授之顧第性恬退堅請以教職自効己丑銓唐縣教諭以興文教爲己任擇諸生之俊彥者致之學署助以膏火日夕講論唐之文風遂蒸蒸日上旣又捐俸倡修文昌閣奎星樓葺補

商城縣志

卷之九

仕賢

二十二

宮墻增飾樂器乙巳秋卒於任崇祀唐縣名宦

楊鯤字海圖號雲亭嘉年子由丁酉選貢充四庫

館臚錄乾隆癸卯中北榜明年以館事報滿引

見授房山令歷臨榆宛平決疑獄除積匪人服其神擢延

慶州牧州爲出口衝道差事絡繹鯤辦理裕如上

游倚重年未五十卒於官

黃思瀚字濬如己酉鄉試與弟思宸同榜蓋悞中副車也就州判分發山西補代州直隸州判以勤慎著歷署同知知縣事下車詢民疾苦凡不便者悉

除之聽訟務全人倫紀亂宗者斥之不貸中丞廉
其能以德化代屬匾獎之方擬薦擢遽以疾卒於
官識者惜之

孝友

凡二十六人

明

黃榮字豫恬好學力行萬歷初遊邑庠髫年喪母廬
墓三年有感虎化盜之異一時巨公爲詩詞傳記
以贈當道屢旌其門事詳藝文志傳記崇祀忠義

節家傳

商城縣志

卷之九

孝友

二十四

周澤字古石萬歷時人宅后雪中有死丐里中誣其
兄洋殺人拘而就道澤時年十二策馬囊金尾之
薄暮止旅店沽酒醉役以騎費畀兄勸之逃自隨
役詣當事服其罪竟坐抵繫獄者十二年會直指
某按狀疑誣得其情曰天下有讓國兄弟寧有代
死兄弟乎釋之有牛賈義之資澤援例遊太學仕
安鄉縣丞尋棄官訪兄於六安州得之欲迎歸而
洋已置產生子不復歸矣以孫汝弼汝璣贈延綏
巡撫太常寺卿崇祀孝弟忠義祠

節家傳

王挺字伯超進士照子諸生幼值庶母之釁門庭以內周旋勿失父卒於京邸扶柩歸里哀病幾絕事母不忍朝夕離及母歿與弟偲析居田地取瘠磽者器物取敝壞者偲亦甚愛兄飲食讌笑始終無間人咸以友恭稱之

從郡志

盧天錫字念一萬歷癸卯舉人幼孤孝事孀母役除

知太平縣凡事一遵母訓治政有聲

從郡志

李之根字思庵萬歷時諸生學行端方幼失父惟母兄是依入侍母歡出承兄教恂恂温温昕夕無間

商城縣志

卷之九

孝友

二十五

又丁倬字蘭渚亦同時諸生性篤孝友父母前無

遽色兄弟間無疾言

從郡志

卜天爵字季雅中部知縣陳善子父歿事母極孝一日母偶怒他子爵和氣怡聲曲爲之解值怒加以杖受不避但泣曰兒不中杖無勞母力彭賢商字耆長亦同邑諸生與弟俊商俱有文名敬事父母視膳問寢無間晨昏人推其孝後中崇禎己卯副

榜

從郡志

余廷信字可賓思銘之裔性孝友母卧病躬侍湯藥

久不愈流涕曰吾以米穀爲飲食母以藥餌供饗
殮忍乎因焚香籲天刲股以進母病尋愈妻胡氏
事姑亦以孝聞病榻污穢手自潔之姑嘗慰之曰
汝不畏穢耶胡曰姑病若起何穢之有逆獻之亂
廷信爲賊所執不屈被殺子宗幼覓尸不獲忽旋
風繞體隨風所至得歸葬焉孫鳳鳴邑庠生崇祀

忠義祠

節許志

王之俊號在所萬歷時庠生性孝友忠厚傳家訓五
子皆成髦士孫銓崇禎時拔貢殉寇難鉉舉明經

商城縣志

卷之九

孝友

二十六

中甲午副榜任漳浦令有政聲

從許志

國朝

陳良弼字廷望幼至孝母病侍湯藥衣不解帶在外
遇甘旨必懷以進通春秋補邑庠生數科不售乃
棄去遂探討羣籍尤邃於性理隱居章山之陽著
書教子足跡不及城市值歲饑悉發所有以貸貧
困不責其償其實產猶不及中人也子國經登順
治丙戌進士任松江司李引經斷獄民自不冤弼
之訓也年七十餘卒祀鄉賢

周鵬字愛山貢生考授縣丞母病刲股以進母尋愈
兄鶴疾革以幼子天奇屬鵬長養教誨不異已出
慷慨好義嗜學尤工詩著有嘯雲吟蕉牕吟等集
以孫淵官 貤贈奉政大夫 節家傳

楊人麟字振庵善左筆書乾州牧名世季子無紈袴
習父母年邁斑衣嬉戲有老萊風與長兄仲兄篤
友愛非公未嘗一干有司工詩著有玉尺居素心
齋集

周召字陝公天性孝友少孤克遵母命攻苦厲學兄

商城縣志

卷之九

孝友

二十七

嫂早逝遺一子尚在襁褓鞠育教誨與已子同以
諸生老安貧樂道與世無競邑咸謂有古君子風
從郡志

周逾籛字以介縣丞鵬子天性孝友幼侍親疾足不
踰閫其父病篤枕其股於卧榻者將閱月居喪哀
毀骨立三年之內不離柩次從弟天奇蚤逝遺孤
作繳籛督課教誨至於成立族子作哲幼穎異籛
欣助之作哲卒成進士爲名宦赴一都赴任一切
皆取給於籛戚黨稱孝義焉喜讀書務求實際爲

見之謝不及也家故素封自

奉獨以約遇人之急輒極力拯之他如助婚瘞瘞
暴骸賑饑寒施藥餌諸善事有見必行終其身不
倦邑令陳以枌榆食德表其閭以子淵官 誥贈

奉政大夫 節郡志

黃璟諸生事母至孝季弟琳庶出母獨愛之璟體母
志視琳倍篤析居取產物之薄笨者甘淡泊勤操
作資稍裕卽以饒其族黨琳無子應繼璟子璟以
從兄瑄貧且有子三擇其次者嗣琳三弟某亦乏

商城縣志

卷之九

孝友

二十八

嗣擇從兄璵之孫以嗣重義敦倫不以財產介意
如此子四紳己未進士餘俱列庠序 從郡志

郭周諸生性至孝母王氏患瘍腫甚危時周年已五
十餘躬侍湯藥衣不解帶又焚香告天求以身代
母尋愈醫者不自以爲功謂誠有神助云 從郡志

楊卓越字與上諸生早孤率兩弟孝事孀母後兩弟
失恒產以已產均分之妻母陶王氏無子越迎與
母居王以其奩田四十石來辭曰陶氏無人此田
乃王氏田仍以歸王可也吾焉用此生平謹言語

慎出入與弟皆八十餘卒子其馨增生其馥天文
生孫心鑑庠生心鎔舉人心諄心銘業儒

楊克縉字步仙少孤事母善承色笑兄克綵渡河遭
溺縉時年十五將汨水求之僕從強止之乃長跪
河干號泣曰能生致吾兄者千金爲壽得尸者百
金越三晝夜尸始獲縉抱尸一慟慟欲絕自是
如癡者經年子文騷文騷皆恂謹以文騷爲克綵
嗣文騷尤孺慕性生翕和伯仲孫嗣沅進士嗣曾
選貢餘亦半列庠序

張綸字素腴廩生母病刲股或議其愚孝泫然曰愚
誠然忍言孝乎母沒誅茅編竹廬墓三載不能去
綸且死今猶有能指而道其處者

羅秩庠生羅璽子出繼堂叔璧璧後生叙而歿秩經
理家計撫幼弟成名母病雙目失明坐卧惟一小
樓秩謝外事左右扶掖不稍離居深山好行其德
鄉人有就質者排難解紛務得其平人多重之

張爾銘字月軒庠生性謹愿喜讀書年十一母潘氏
病癘兄精一嬰療疾銘調羹侍湯藥左右兩病

榻前如成人母與兄相繼歿銘哀毀泣血而老父之側則愉色婉言不敢以慘切形繼母王亦善病銘率妻子侍疾如親母銘故有田山一段某利其山之木冒認山中古塚爲祖塋以佔墳控銘曰汝指界以護墳何如爭者慚訟遂息冬遇溺者解裘溫之因以贈有鬻妻以償債者銘代償之並給負販資俾之糊口他如施藥餌捐義塚置水桶火具以恤災患家僅中人產而銳志行仁蓋其天性然矣嘉慶四年

勅建孝義坊以旌之年五十五卒祀忠義孝悌祠

節事畧

汪璪侍親疾湯藥嘗而後進母歿廬墓不能去弟幼長養教誨無異父母焉

王世珊字文台孝養備至九善於幾諫父振曾有豪舉輒柔聲怡色以回其意或長跪涕泣而道之母楊氏少不快意珊必百計寬解俟顏霽乃已時以聖賢大義爲弟世瑚講解敦勉十三以童子冠軍充博士弟子員嘗負笈大梁書院院長陳宮詹浩稱爲中州佳士以乙酉選拔考補鑲紅旗官學教

習旋取入史館充謄錄庚寅

恩科中北榜以二場受風寒力病藏事發榜三日而病
不支時其親刑部主事吳視之問所欲言哽咽流
涕吐父母二字目遂瞑年三十

張滄監生五齡失怙知擗踊號泣遇母疾湯藥不假
人手已疾未嘗使母知事孀嫂小心敬慎一如其
母

忠義

凡二十六人

明

商城縣志

卷之九

忠義

三十一

洪應衡字荆河萬歷丙辰進士歷官陽和兵備副使
所至政績大著辛巳以省墓歸里值流寇張獻忠
攻城應衡分守北門城破力戰死崇祀忠義祠

從

明史訂

馬剛中字九如崇禎七年進士除大同知縣行取授
檢討乙假歸賊入大罵被磔死崇祀忠義祠

錄明史

段增輝字含素爲諸生以學行稱朝廷下保舉令被
薦不樂爲吏擬除教授未謁選歸遇變罵賊死錄

明史

楊所修字修白萬歷庚戌進士初任渭南縣令聽訟如神多惠政六年殿最擢兵科給事中累陞都察院左副都御史歸里數年值崇禎辛巳春流寇攻城所修分守西門城陷罵賊死之渭南縣崇祀名宦節許志

鮑純字景文敦孝行重義氣偶母疾篤煎藥嘗糞百計求痊及親沒田產家貲悉讓與兄弟諸生余仁因賦役逼累賣妻爲人作婢純命子知管預贖還之一時稱爲義舉崇禎辛巳逆獻陷城與妻章氏

商城縣志

卷之九

忠義

三十一

同縊死其同時死者有王銓拔貢生盧詔德黃焯陳廷封陳廷璋鄭光啟劉澤長楊士琦俱萬歷時諸生又王春立字大生亦萬歷時諸生性耿介曠達嘗慕稽阮伯倫寄情詩酒每自期云交不設城府窮不附勢要逆獻破城從容自縊死祀忠義

郡志

從

蕭來鳳字鳴岐天啟時邑庠生篤志窮經力以啟翼後學爲任辛巳流寇襲城以不屈遇害妻倪氏同時罵賊死又陳廷獻岳經楊蒨余子章王廷臣俱

天啟時邑庠生與來鳳同日死難

從郡志

余容善字瀛海崇禎庚午舉人明史稱其與光州王者瑄光山胡植并罵賊死又楊其烈字書帛崇禎

癸酉副榜城陷不屈死

從郡志

王說字長康陝西巡按王俊子諸生明末獻寇攻城率衆守禦殺賊甚衆並磔其愛姬及城陷罵賊死妻張氏痛哭亦罵賊賊怒刃之適其僕周元福負其子畧至張執畧手顧福曰此兒托汝夫婦遂匍匐死於夫側元福負畧並攜已于行突遇賊賊曰

商城縣志

卷之九

忠義

三十二

汝負責家兒逃耶曰吾兒也因指福子曰又汝兒耶曰王巡按孫也賊遂殺元福子並砍元福而畧竟脫於難福被創甚囑妻敖氏負畧行遷播流離間執僕禮益謹後十餘年福奉畧還敖氏死福亦老矣猶佐畧力學畧後授宜陽訓導

節省志

古爲己字還初邑庠生事母以孝聞博學善文負笈問業者戶外履滿辛巳獻賊攻城爲己堅守西門城陷猶率衆巷戰賊擁入室妻韓氏罵賊被殺爲己排牆掩之乘間逸出入山中避亂後聞莊烈帝

崩遂不食死 從郡志

詹之奎及弟之恒少有胆畧日擊劒馳馬負請纓志先乙亥流寇陷城雉堞廡宇皆毀官吏棲章山寨避亂咸以之奎兄弟爲保障賊數攻山堡二人率衆禦敵殺傷甚衆賊憤甚設計伏兵於險令脅從者誘之伏發被擒惜其勇說之使從奎曰死賊獨不思殺汝者寧肯從汝耶賊怒縛於樹亂箭射死

從郡志

汪隆世襲指揮崇禎己卯流寇猖獗城陷與子某皆

商城縣志

卷之九 忠義

三十四

陣沒妻某氏亦從義而終 從隱憂序補入

文苑 凡三十四人

明

陳繼鉉號嵩嶽進士嘉賓子由選貢中萬歷己酉解

元博學能文著有月波樓集 從郡志

王昞字赤城萬歷辛卯科舉人甫弱冠經史博通學

術淵邃與中州四才子齊驅著有冥鴻堂集 從郡志

袁光濬字搗謙性孝友博學善文名重一時應省試

十科不售天啟間以歲貢入監肄業期滿歸教授

生徒好學才輟邑學者多出其門著有了閒集古

今文選

從郡志

楊維鉞字震寰天資樂易信古好義以名節自礪在諸生時獎引後進辨論精詳執經訓子不緣他師而登顯名年六十九預爲永別文並罄貲囊以遺

戚友厚薄一準交誼翌日乃卒崇祀鄉賢

節許志

周謙字益之篤行好學慎言笑嚴取與十二歲通周易束髮游黌序事諸父至謹設塾授徒訓子姪最嚴子汝璣官布政姪汝弼官巡撫先後發甲爲時

商城縣志

卷之九

文苑

三十五

名宦皆謙之教也慷慨好施待舉火者環三十里勗鄉人以孝弟媿媿不置人有過輒曰無令周三公知也晚年尤潛心理學每謂五經四書非徒以應舉子業立身行己皆此物耳善騎射又好天文星象六壬奇門諸術以處士終未竟厥蘊所著有四書正訓信斯語並洪崖居詩集日抄壽書若干

卷崇祀鄉賢

從郡志

國朝

李御業字遠紅少善屬文下筆千言立就數奇不第

康熙間僅以明經領鄉薦投牒不赴築灌石圃授

徒其中講席常滿稱章山先生年七十三歿

從郡志

楊廷字特生少穎悟過目輒不忘及長博通諸子百

家詩文磊落竒橫自成一家言尤精岐黃術診脉

辨症全活人無算康熙間以歲薦任汜水訓導以

病歸年七十歿

從郡志

王畧字圯授歲貢生善規人過遇嘉言懿行則誘掖

獎勸拳拳如恐弗盡邑經兵燹人文凋喪創勺漪

樓數椽招徠城鄉子弟講學其中嚴寒盛暑無倦

商城縣志

卷之九

文苑

三十六

邑令有所商確多枉造其廬著有勺漪樓文集夢

覺詩草行世除宜陽訓導卒

洪紹匡字與鹿少年讀書冠石山力摩先正大家古

文辭頗雄健晚以歲薦終且乏嗣

從郡志

楊勲烈字春溪少慧負竒氣歌古文詞雄視一世及

補弟子員盡棄素習專志聖賢之學精思力踐常

錄先正格言及所自得者曰檢身集以自鏡家不

甚豐閭里有貧者必周之遇人有過每盡言規之

令其自改設家塾課子最嚴子名世領順治戊子

鄉薦任乾州牧蒞政有聲蓋其夙教也祀鄉賢

從

郡志

鮑知管字蒼門殉義純子恪遵庭訓敦行孝弟性穎
慧博覽羣書精舉子業力摹先正名下士多負笈
從遊常自聯其齋曰心事天同鑒文章代有傳人
品文章於此可想見矣順治辛卯領鄉薦處有明
之季以扶持公道爲己任善類皆嘉賴之

從郡志

周鳴梧字叔符學識淵博性尤鯁直規人過必痛發
始快讀書至忠孝節義事則鬚眉戟張低徊不忍

商城縣志

卷之九

文苑

三十七

輟晚以詩歌自娛與兄仲符並驅詞壇康熙初以

明經老於家

從郡志

楊維禎字吉人前副榜其烈子幼失怙恃能讀父書
以篤行力學名於邑精心制藝試棘闈不售應歲
薦適遇停貢迨舊例旣復身已先歿矣邑人謂其
文章德行無媿科名乃尙不獲以明經老則信乎

其命之窮矣

從郡志

廖國遇邑諸生母病不愈不茹葷酒工行草書嘗以
指於襟幅間習爲中鋒不數月隱隱具點畫痕又

善墨竹及篆刻嫁女乏奩貲輒作字數百幅間以
古篆圖章實其笈先署邃谷其署又蘇者如銀鈎
鐵畫則晚歲病甦後作也居西郭足跡不入市城
年八十餘無疾而逝子天眷居龍溪人稱小廖年
逾四十入武庠以詩自嘲云啣杯看劍心猶壯札
髻簪花老更狂一時傳誦

周建侯字亢前明左布政汝璣孫鍵戶讀書爲文章
宗匠創修家譜襄邑令許公編纂邑乘徵文考獻
不遺餘力以明經任尉氏訓導年七十五

商城縣志

卷之九

文苑

三十八

熊奕長字世延讀書嗜古制藝宗先正尤工於有韻
之文童時遭母喪撰哀詞若干首見者皆爲流涕
康熙己酉舉人赴試禮闈以夙疾卒於京邸年三
十有二著有步蟾山房詩文十二卷

楊裔昌字燕後諸生苦志績學爲文如風發泉湧教
人不期速效先經術後文藝帖括必衷先正理法
遊其門者多所成就年四十二卒遺稿百餘篇其
門下士進士程壘序而存於家

洪應崑字玉山總卹時偕弟應嵩赴姑蘇從管紹寧

先生學文譽滿江東人有機雲之目及歸應嵩已
丑成進士應崑卒不售以諸生老山居茅茨僅蔽
風雨野蔬粗糲蕭然自適嘗脫季弟於難破產不
惜親戚故舊之貧者招共居食終老不厭年九十
三舉鄉賓 從郡志

王以義字和庵明經授桐柏訓導未任卒 國初家
乘散失義採訪彙集著師黃集文稿藏於家

熊啟冀字薊門少穎悟爲文章空所依傍尤喜仿晉
唐細字以目疾廢學子弟有以課藝進者口授塗

商城縣志

卷之九

文苑

三十九

乙著有一線天詩集藏於家

熊啟充字魯垣柘城學博國祝子季父歿無後父以
充爲之嗣幼艱於記誦讀書竟日僅三許行父苦
之欲使易他業充曰父何獨棄兒兒雖懵力可倍
國祝深竒之雍正戊申補弟子員乙卯春國祝歿
本生母沈嗣母廖恒以繼先志爲勗先是充制藝
之外旁及詩古歌騷與同志刻燭酬唱至是悔之
專力於經史秦漢及先正大家堅苦刻厲立程自
課督學蔡常稱其文古質雄健非膚學所能壬申

舉於鄉丙戌會試

賜國子監監丞歸自署其齋聯云叨得清銜歸故里滿沽
醇酒樂餘年充爲人質魯而嗜學廉儉而當於禮
家故不豐而勇於行義族孀周幼孀無子以爭繼
累悉以祖產捐於祠覬之者構訟不休充出已產
易其租而分給之訟始息從祖母黃初嫁殉夫沉
淪幾三十載充爲上其事始邀 旌典有從姪某
穎悟而貧爲月饋米歲製衣并手抄書授之補諸
生爲僦屋完娶戚族匱乏者量親疎緩急周之或

商城縣志

卷之九

文苑

四十

假手他人或除夕以錢米置其門至有受其惠而
不知者晚年詩法高古書亦遒勁間寫寒汀遠景
瘦石修篁以抒胸中邱壑無不娟楚有致己丑以

疾卒

節郡志

熊啟陶字姚墟庠生綏寧令奕久孫也束髮學爲文
辭有冷艷幽光同堂兄弟七人率以詩古相敦勗
每構一藝必得十五卽共証之曰吾儕穎悟不之
及也性純篤事親先意承志能獨得老人歡丙子
赴鄉試母疾已篤而彌留若有待者比陶歸跪榻

前泣曰母待不孝陶兒乎母張目微視遂瞑人以爲孝心所感云居喪三年不出戶闕每朔望詣祠宇展拜終身無間年七十一卒

黃紳乾隆己未進士性孝友好讀書潛心理學戊午舉於鄉謁大中丞尹公會一問以身體力行其功安在紳舉敬恕爲要言朱陸異同得失頗悉中丞喟然曰眞潛心道學者也因以所藏濂洛關閩理學宗傳諸書贈之平生多未竟緒年三十二而卒以孫思桂候選知縣加級封奉直大夫孫思灝策

萬長子出繼從伯正萬事嗣母先意承志妹氏貧以負郭田五十畝園一所予之又代爲償債舅氏熊無恒產灝每歲與粟二十五石以廩生援例貢成均孫思法亦策萬子策萬少年賈志思法援例授直隸滿城縣尉事繼母熊氏如其兄以母病乞歸卒於家孫士杰含萬子十歲母李氏病噦噫每不食杰亦不食至夜命之寢佯應之噦甚則不呼而至母没事度母余氏如母由己酉選拔授通許教諭數月卒

周作周字振如廩生弱冠受知汝寧郡守置第一經學於詩書尤邃同業有資以講授者適當病中倚枕背誦經傳剖析奧義令其人握筆濡朱自爲註記至今受教者尚寶貴之鄉黨期會有口談人過者徃徃以他說亂之使不得逞年六十一無疾逝子二長廷珮廩生次廷珩增貢生皆能以文學名世人稱無愧薪傳

劉瓊字素庵歲貢生兄弟五人析產悉以讓諸兄弟博學能文富於經史兼通岐黃求診視者不計遠

近亦不索謝貲姪宗敬幼失怙收養教誨之與子宗誠先後食餼旋相繼歿孫青照甫四歲瓊嘗著課孫則論纂先正格言教之年七十四卒

周作籓字太初慷慨好義撫孤姪廷瑶代理家政十數年不倦工畫詩以性靈爲宗其山行句云寒山莫厭頻來往石上青松最可人學圃吟云陌上誰家車馬客揚鞭不解菜花香可以得其大凡矣著有留餘堂詩集藏於家

王輝曾字業宣明巡按俊裔孫也性恬澹弟越曾出

繼堂叔已得嗣產輝會仍以 產與弟公之乙卯
列選貢閉戶課子丐文辭索書畫者無虛日每當
酒酣耳熱引紙疾書一夕輒成數幀興會所至書
或應以畫畫或應以書得者珍之邑令聞其賢投
刺先施一至再至口不涉私生平著作甚夥不自
收拾今存尺松堂詩四卷其讀易窗詩草入江南
張偉烈 國朝探珠集行世

周廷珮字荆山恩貢生性孤介與人不苟合文亦不
爲苟悅一宗先正不以塗飾爲工待諸弟友愛弟

商城縣志

卷之九

文苑

四十二

廷珮事兄尤謹庚辰省叔父於官比達署適嫂陳
氏訃音至珮曰不意之變傷老母懷兄豈能任保
抱子女事哉歸議合爨而以兄之子女俾妻熊氏
撫之珮先卒珮亦垂老偕子姪避寂山居時猶日
手一編與諸孫同講貫著有翕堂家詠韶華居詩
稿存於家

張榮宗字耀先父業漁落落有高致榮宗幼聰慧有
文名乾隆丙子舉人所作詩古文辭胎息韓歐藏
之篋笥不輕示人蓋有待也無何卒乏嗣妻烈婦

陳氏於宗卒之 悉抱所有焚之號咷從夫士林
惜焉

王世麟字蓮峰榜名琬明巡按倭七世孫也乾隆癸酉舉人爲文千言立就有雲蒸霞蔚之觀游京師與方觀察煒劉太守雁題歡若平生而王侍御紱尤以同姓事之如兄每閱其文別有會心屢躡場屋援例補福建西河場大使蒞任二十七日丁外艱歸閱歲丁內艱旋爲大母承重三喪相繼哀毀不支以瘁卒於里世麟富於著作不自收拾長子

商城縣志

卷之九

文苑

四十四

承筠入學早逝次承笏孫宗閔宗冉俱幼旣歿檢其笥僅有存者

卓行凡六十四人

明

王政太字輝宇固山額駙麟父侍母疾藥必親嘗比歿水漿不入於口者數日善治生頗豐於財明末歲大沴捐粟賑饑人多賴之全活後子麟以功業顯子姓累膺世爵人以謂盛德之報云祀鄉賢

從

郡志

周履字考祥少穎異弱冠爲博士弟子員高等性慷
慨值明季寇亂學擊劒讀兵家書曾冒鋒刃救父
及繼母之危叔父汝弼開府延綏履以邊功擬題
授守備辭不就又從季父方伯汝璣赴任山東時
流寇猖獗能於顛沛中左右周旋俾免於難後隨
總戎黃得功立英霍戰功授贊畫遊擊兩月假歸
我

朝定鼎錄前功以通判徵用不起卒於家 節郡志

洪應舉字西庵幼失怙稍長能自立言動胥中禮士

商城縣志

卷之九

卓行

四十五

大夫頗敬重之族黨有貧乏者必極力周濟教子
孫尤嚴嘗告之曰我以少孤廢學此心每飯不忘
若輩宜勉自樹立不可荏苒失時也舉耆賓年八
十四卒 從郡志

國朝

王佑字言一諸生少能文綽有聲望旣而學劍術嫻
邊畧天文地理罔不通曉時流氛猖獗出貲募壯
士守城數年無虞辛巳賊乘雨陷城佑持短兵巷
戰殺甚衆賊攢射仆地被創數十移時復蘇遂絕

意仕進遨遊吳越寄情山水間未幾歸以遭寇家
計荒落乃扃戶安貧課子孫服田力學晚年尤善
岐黃術施藥濟人隨手輒愈待人無親疏皆出至
誠邑令丞雅重其爲人曾無片牘千之年八十卒
鄉里私謚文介先生

錄郡志

郝維今字表衣諸生慷慨好義素以名節自重有友
死托孤於今極力護持不避仇怨

從郡志

黃廷用字君輔少失父事母盡孝好善樂施能濟人
緩急歲大祲有楚民申琪逋豪勢租謀鬻妻償之

商城縣志

卷之九

卓行

四十六

廷用予金如數不責券時山寇竊發大兵勦捕有
中表吳某一門被掠廷用往贖之至破產無悔年
五十始舉一子教之讀書有聲庠序壽踰九十猶
健飯邑令談永祚造廬致禮焉崇祀忠義

從郡志

沈察之字洞微尙氣誼善談論覽羣籍必有獨得常
以成宏遺規自勵教子一澄成進士落落世外行
吟自如一時爭羨爲白香山陸魯望及以恩義資
人施衣與食里黨莫不利賴之而澹泊明志唯布
袍脫粟樸遯如野農寒士祀鄉賢

從郡志

洪郁字質厚父兄蚤逝依孀嫂喻氏居崇禎辛巳獻賊破城父柩遭焚喻使郁匿他處遂罵賊死賊退郁負遺骨抵黃坡舊里藁葬而廬於其次順治初乃克經理舊業補博士弟子員洪襟寬者郁族弟也夫婦相繼逝老母幼女煢煢無依郁事其母嫁其女歲大禋里有三姓田無售者郁出重價質之三姓賴以存旣稔返田不問其值甲戌冬舉介賓年七十四卒子人甲州同康熙間承郁命請清釐商邑地畝加徵累邑令馬國屏以斗山爲縣治屏

商城縣志

卷之九

卓行

四十七

障謀建寺增之人甲與貢生周鵬董其事工書法尺牘寸簡士林珍之

楊一凱字虞際名世孫以子克緝贈修職卽好善樂施族姪坤幼舍身爲僧凱以百金贖之以養以教俾獲補博士弟子員食餼謝某父歿不能葬出錢三十千助之有告貸者量緩急以應或無力則焚其券子七人皆有成就

張中諸生少事父母能承歡養志兄武卒遺孤未週中力翼成之後孤夫婦又相繼歿遺四女中教以

婉婉及笄具厚奩配名門嘗出見饑者二人卧於道側問之曰逃荒至此已不食三日矣中急令扶至家以糜飼之待其既起資之營生至其篤宗戚恤孤寡凡有死不能具棺有子女不能婚嫁者皆飲助之里人常謂樹德務滋中實能不愧斯語

從

郡志

張世魁字一五性豪邁有俠氣逆獻破城母李氏罵賊被殺世魁負屍葬之居邑東青山復仇之志未嘗一日忘

商城縣志

卷之九

卓行

四十八

國朝鼎興萑符未靖慨然請於邑令衛公貞元率鄉勇併力爭先掃蕩遺賊經手刃者動以百計一方賴以安全衛令嘉其功列筵大堂勞之賜額二一日功績可嘉一日干城儲選年八十子烈孫執中用中俱列鬢序

黃廣字次野諸生佐豪爽爲文雄恣岸異不屑一切兄庠生厚先歿遺孤四廣撫之如子婚娶田舍雖兄存自爲之亦不是過也人比之如薛包云年七十三歿子峒嶼孫琦璟琳俱有聲鬢序

從郡志

李肇泰諸生幼失怙恃伯父杲撫愛過已子及析產
泰曰伯父教養逾於所生何忍與弟較財物乎相
推不已乃取薄田敝器以自給人高其義

從郡志

周封臣字迪康髫年充弟子員累試不售爲諸生四
十年僅以食餼終生平和平樂易遇人不設町畦
周族姓繁衍封臣爲族長化囂凌懲強禦十餘年
間少長親睦循循皆有矩步娶汪氏江南望族嗜
翰墨尤熟於史鑑稱閨中友從兄适臣子生數月
失怙恃封臣撫之與已子齒子三作梅作邦諸生

商城縣志

卷之九

卓行

四十九

作哲丁巳成進士歷任郡縣 封封臣如其官子
作梅字理舟增生克繼先志歲延名師教子姪戚
友貧乏者就館供衣食膏火多賴成名從弟監生
作又週歲喪父作梅經紀其資產自就傳至于成
立數十年無間梅卒又爲文祭之有云以派則四
服兄弟以恩則再世生成蓋紀其實也次作邦字
邠原增生母病步禱於金剛臺之華祖廟病愈復
往履穿趾蹶不顧也爲文宗漢唐平時題咏甚富
著有四時月令詩囊雲居詩集藏於家

高臨字智宜性穎異嗜讀書以明經貢成均宅心忠厚與物無競有里人某侵其田臨不與校再侵之亦不校後又謀盡侵之某之婦曰高君盛德是心何不良至此耶其人悔悟執雞酒踵門謝悉歸侵田臨轉慰勞之時邑令劉公愷重其品有同姓者罪應笞詭言臨弟劉懽然釋之後以公事見不謝劉道其事臨愕然以直對懇勿究劉益敬服其量著地理探源數卷以儒理相叅視堪輿家較詳子弟端蒙十六則大義以忠孝讀書爲要太史閻錫

商城縣志

卷之九

卓行

五十

爵讀之心折因叙弁之并爲傳以紀其行

從郡志

高敦仁貢生臨子弱冠補邑弟子員仰體父志力行善事康熙庚子山水驟漲漂沒民舍仁覓舟以救溺者全活甚衆母陶氏患異疾七年徧延名醫不愈先是敦仁以惜字多置竹篋於通衢一日於中得片楮列醫某姓名能療異疾與母症維肖敦仁乃跋涉千里訪其人遇之塗延以醫母疾遂瘳

從

郡志

熊國祝字肇茲綏寧令奕久長子孝友能文尤多智

畧與仲弟材奇皆以明經出仕學博不數載國祝
遽解組歸時邑令趙黎二公先後免官貧窶至無
以自存國祝日有資贈久而不倦子啟徽字孫謀
癸卯選貢授州判職旋改教諭皆不就閉門教授
生徒與昆季互相砥礪嘗設義倉修普濟堂捐義
學租稞邑令陳公伸顏其額曰徧爲爾德著有蕙
畹山樓文集六卷詩古文各一卷其弟國子監丞
啟充序之存於家孫家淦附貢生有祖父風兄家
渾早逝遺一女長養顧復厚奩遣嫁事嫂唯謹以

商城縣志

卷之九

卓行

五十一

長子傳本爲之嗣本既就外傳猶日督學書以五
百字爲率嘗捐武下保地十餘畝爲新店塘汎
周作源字少泉有肆應才尤長於辭令常以片語決
事無毫髮爽弱冠補博士弟子員父逾錢歿哀毀
成禮身任家事延名師教諸弟成立以勞勩終幼
弟作鴻官湖南逢

覃恩貶贈作源如其官弟作穆亦諸生有文名早卒以臺
灣縣知縣作洵 贈文林卽弟作醇亦諸生性耿
直處族務有功於先世以姪鉞 贈內閣中書

熊珍字席東監生少孤家素封邑無賴子覬覦者
構之家道遂中落乃棄舉子業用牽車服賈家復
興珍畧通經史行事符大義弟某某苦貧珍令置
產代償其價之七八弟無喜容珍亦無德色族屬
無遠近殯殮無力者爲具棺婚嫁無資者爲備奩
鄉黨受庇者指不勝屈凡邑有大興作輸資任勞
口不言功邑令陳表其閭曰澤及桑梓

楊克純諸生博學多文家貧筆耕自給脩金不計多
寡資之敏且貧者或教以日事生涯夜攻書史後

進多所成就子三人長文驊歲貢生次文驃國學
生三文馭字帽羣乾隆辛卯經魁詩古文詞以雅
贍爲宗父早逝事母以孝聞

何秉恬字坦懷歲貢生父諸生其峻病痰久不愈醫
欲知其癥結何經也恬嘗糞以驗之事母先意承
志父母相繼歿居苦塊先後六年未嘗開顏笑長
兄早逝遺孤甫九歲長育教誨無異所生教授生
徒三十餘年從遊者甚衆丙子經魁張榮宗其最
著也餘皆有成就年五十一終

洪天機字大週增廣生性淳謹爲文章稟承師訓能於用法之中自露才思不爲時趨所汨以數竒屢試不遇祖父庠生秉鉅以僕累逮繫至京師機隨其父庠生源跋涉二千里外周旋獄犴哀號控訴事得昭雪他如睦鄉里重本支調困阨恂恂謹飭常述朱孝友讓路讓畔之語以教子弟其志行蓋如是也年六十三卒

雷用中廩生善事寡母年四十無子母李氏乘其赴試爲置媵用中歸詢之則曰奈何以良家女爲婢

商城縣志

卷之九

卓行

五十二

妾捐貲善遣之後生子伯江入庠序

黃約字御繁廩生性慷慨好義遇鄉里有竒節異行不惜捐貲闡揚之延名師課子姪讀書多所成就倡刊有四書註朱自刊痘疹正宗萬氏女科等書遍送各處子二試萬洛陽訓導任萬翰林院編修吳興監生持身端嚴存心忠厚曾獲小偷諭以義而釋之其人感泣卒爲善良歲不登族黨之顛連者恒賴以甦先正典型合邑共仰子錦含貢生克世其家

吳鵬程貢生家本素封而性甘淡泊於族黨間恒分
多潤寡毫無所吝有橫逆之來輒置不與較人咸
重其德而服其量

彭南鵬諸生履潔懷芳窮不失義有古人風

吳起庠生因父病潛心醫術遂以濟人邑侯陳題額
以贈日好善獨優弟超亦庠生以父病通醫施藥
活人著有思榻銘椅銘及十二可惜以自警弟赴
亦庠生逢歉歲或減食濟人或抄寫救荒奇方以
貽人

商城縣志

卷之九

卓行

五十四

周作箴字滙溪監生弟作銘方髫齡爲建塾延師教
之成立兩修家乘三建宗祠中間相距蓋四十年
族姓散處鄉城箴往來奔馳按世系考支派自少
及老未嘗少懈以故宗族雖繁無不識滙溪翁面
知滙溪翁賢者虺隤山仄徑崎嶇出資修理行人
便之爲鐫石紀其事

汪巨臣乾隆元年木頭河橋壞獨力修理費百金有
奇鄰人栢士先死給以棺踰年其子死復給之乾
隆三年旱荒厓羸載道巨臣爲粥以食道路之餓

者是時人食藜藿木皮思去鄉并有同邑崔東山者出稻五十餘石分給近村鄰族衆因不得離散曾於枚武店獨力建橋二座行者以爲便又有樊希賢亦好義樂施邑北和豐橋圯捐銀二百餘金重修完固曾經上憲旌獎乾隆三十九年子廷柱捐資重鋪橋面

本郡志

周作睹姪廷斌早喪無子爲立以禮爲嗣分已田宅與之禮子文煜讀書入泮皆其延師訓誨之力丁家埠爲吳楚之衝山水泛漲涉者維艱作睹捐地

商城縣志

卷之九

卓行

五十五

構室覓舟子以便往來孫之吟尙纘承無忝云

楊克維字坤四贈學博一凱三子辛酉拔貢同懷兄弟七長兄早逝事孀嫂如母仲兄克緝新蔡教諭間歲必一徃省視與諸季篤友於四弟克緝字昭度附貢生爲人沉靜簡默事父母有藹然至性流露處六弟經賦性揮霍負債累緡倡捐公產代償之邑有楊粗頰者爲人任肩輿夫婦食菜羹沽酒市肉以養母母喜則拊髀而歌母怒則撫膺而慟緡敬禮之時時飲錢米酒果以補其缺居恒閉門

教子姪不干外事五弟克綿字卜年貌清癯性穎異讀書目數行下戊午中副車下嚴不妄與人交每非正事足不出戶外長詩歌與邑文士結社唱酌杯斝言歡一時稱爲韻事

王振曾字次起歲貢生明巡按俊之裔孫也兄邁曾食指衆所有田租悉以歸之舌耕自贍兄不善治生產日耗振曾復與合爨於城南三里碑親課耕桑教子姪讀書姪世麟舉於鄉瑄庠生麟得鹽大使無力赴任振曾售附郭田助之旋移居城內與

兄數十年無間兄歿麟復卧病爲構小室俾之調攝麟卒弟貧子幼振曾爲經營之瑄歿亦然期功之親待以舉火者甚衆子世珊庚寅順天舉人世瑚甲午舉人孫承霖承灃承霄皆列庠序兄邁曾監生嘗修宗祠伙助某孝廉成立與弟振曾友於尤篤人呼爲難兄難弟云

王守曾字奠源幼繼堂叔祚興嗣性詢謹事嗣母馬得歡心兩妹貧母憂之守曾析田產之半給之筆脩脯有餘則周窮乏年六十五以明

經終子世珖登戊午賢書

趙世祿鄉耆世居邑東北趙家棚少孤事母能得其歡心家故不甚裕而告貸者無虛歲歲稔減價平糶每常以力綿澤不遍桑梓爲憾年七十五終于殿鏞列龔序

張琫字華玉幼失怙事母能得其歡心析居悉以祖產讓弟後漸裕則又分之處鄉黨推有讓無不計錙銖時有竊伐其山之木者守者獲之琫爲易乾柴遣之一日琫自遠歸及河山水暴漲徘徊間數

商城縣志

卷之九

卓行

五十七

人遙望之曰此張善人也爭負之以渡及沒行道有流涕者子夢元夢松邑諸生

徐士魁力耕自養所居近土潭河每當山水暴漲行者病之因捐渡船一隻招舟子予竹園一所灣地兩石五斗以贍將死猶諄諄勗其子子監生怡亦善承厥志云

郭正發失怙早歲廢學竭力耕田奉母之外輒以恤親黨姨姪吳自得族姪三汲蒼眷皆其長養教誨者也嘉慶二年蒙 恩賞九品頂戴年八十二而

終

羅廷義監生世居南山性孝友甫數歲父以病廢聰義侍左右出納言語無不如志姊家貧父母嘗善視之及父母歿義構室宅旁給衣服飲食三十餘載無間兄弟三人以用浩負公債千餘金弟又負私債數百金義獨力籌畫不數年胥釋其負未嘗言勞與長兄生同日及兄卒視小斂畢哭泣不輟亦於是日卒鄉黨異之

張翁性樂善至老不倦每盛暑施茶以濟渴者瓶罌

商城縣志

卷之九

卓行

五十八

杯勺必手自潔之求方藥者戶常接踵勸人勿宰耕牛不可則出貲貸其命屠者徃徃不惜牛轉畏翁之懇至也多改業有劉姓夫婦值歲歉鬻其一子一女翁傾囊贖之遇人有鬪訟者或以身蔽之或婉言解之務使歸於和好而後已里黨稱爲張善人與妻黃氏生同歲卒同年九十有六以國慶錫七品頂戴子一維駱孫二前鎬前鎮曾孫六元孫二讀書俱有聲

余秉質邑庠生生平好義樂施修橋梁十數處以便

行者捐屋修宗祠以聯族姓子姪有無力讀書課
之數十年無倦

馮承璠有至性同懷兄弟三人推衣讓食至老無間
好施與助親隣毫無吝色年九十有七子孫多成
立子慎字有敬以廩貢授鎮平教諭有父風以父
年臻大耋動止需人與同懷兄弟不暫離側事奉
維謹在鎮平任與生徒相期敦行勵學各慎防檢
歸里建宗祠立家塾賑貧乏善行義舉難更僕數
姪朝綱國學生施棺木造橋梁好善樂施至老不

商城縣志

卷之九

卓行

五十九

倦

監生王祚生字坤元少孤體母志好施與每聞乞丐
聲輒遣婢僕投以錢族黨有貧乏者多助之乾隆
初爲堂兄祚祿償官債二百金堂姪庠生魏曾幼
失怙恃收養教育之里有胡福欽因貧鬻妻祚生
爲償價而贖其妻年六十一卒

趙士智庠生同懷兄二人以踈放廢業更分已有益
之居邑西鄙與光山接壤敬教勸學遇善勇爲子
振祖克承厥志上憲賜額褒之士智曰鬻序儀型

振祖日維持梓里

吳文杓監生以親老操家事勗弟文楠夢桃讀書析
居田產多與兩弟而債負自任者爲多

黃家萬庠生善解紛樂施與有唐某藉其力以完姻
嫡堂弟婦貧病不能自活家萬周之數十年無倦
嫁其女如已女鄉人稱之

梅汝瑚大啟元配蔡氏子也蔡歿繼室以李生光前
甫十歲而父故瑚治家政奉母命無違李患瘡膿
迷不治瑚親吮之光前幼得痞疾醫罔效或傳得

商城縣志

卷之九

卓行

六十

打食草煎火酒服之可愈是草出下馬河隔岸時
山水陡漲瑚不及待冒險採之命幾斃乾隆四十
九年與弟光前施墩子塘左義地以掩漏骸瑚故
居東關保保中大小橋凡十瑚捐修者三大啟父
子相繼董修者亦三

隱逸

凡七人

明

潘愷通五經能吟咏隱於清溪自號清溪漁隱洪武
間累徵不起嘗有詩曰何事清溪獨隱淪綠簑飛

不上紅塵斜風細雨元真子茶竈筆床陸散人孤
艇每歸三島月長竿獨占五湖春烟波莫笑齊高
士卜獵曾看到渭濱禮部侍郎王禮亦贈以詩云
先生純孝更多聞自愛逃名弔汝墳靜覽風波驚
世態閑隨鷗鳥嘆離羣一竿秋月羊裘老兩岸蘆
花宿酒醒我亦人間兼吏隱獨憐高節抗浮雲其
清風逸軌此亦足以見其大都矣

節郡志

黃洧號墨齋嘉靖時明經也博學多聞淹貫經史邑
中少雋雖能屬文實多不知經義洧廣置學舍闡

商城縣志

卷之九

隱逸

六十一

經旨以教授生徒膺貢三徵不出部檄發帑聘百
金命州縣趨上時泮池淤損捐其金購石爲欄仍
投牒不赴洧操持粹白慷慨好施少時偶宿客舍
有婦就之正襟危坐竟夕不少動貲粟恒不給然
戚友子弟宦四方者或分俸寄之皆隨手施濟無
所儲蓄貧者多依以爲命有疾苦輒來泣訴洧亦
泣力所能爲者無愆一日過浮光西渡連騎墮水
中忽有人掖之起亦不知其人何自來也日暮行
虺隤山遇虎踞道上洧曰吾山莊養汝有年矣今

欲害我乎虎遽起前導洧隨之至莊乃去嘗過余
子店至河洲中山水暴漲環洲皆水忽崖下有兩
人出相謂曰我負公汝牽騎及登岸其人復投崖
下去所謂積德在躬宜爲鬼神呵護者也年八十
三卒崇祀鄉賢 節許志

汪月海御史汪壁子失名博極羣書所著詩文與何
李齊名以父抗疏死遂優游林壑終身不仕有月
海集燬於兵 從郡志

張舜選字陶亭萬歷時選貢學問淵博隱居不仕築

商城縣志

卷之九

隱逸

六十一

精舍吟嘯其中著有四栢亭集懶夫慵語燕子樓

詩百篇

從郡志

楊蘅字佩生崇禎時選貢志趨高曠學問博洽尤嫻
韜畧廣昌伯劉公徵致幕府叅贊軍事謀畫周密
所向克捷後察劉好聲色無勤王志遂拂袖歸里
葺菽水園以終老手不釋卷自經史以逮諸子咸
丹鉛評點手抄成帙晚工詩畫蘭蕙竹石極臻墨
妙與邑人周仲符沈雪龕輩往來唱和有洛社之
風年七十餘歿 從郡志

國朝

周度字玉尺勤學嗜古不以名譽繫念嘗從其季父
宦游秦淮與江南諸名流相酬和甚自得歸來盡
棄田園惟以舌耕代食并瀟洒於花草竹石間性
廉介戚友饋以金粟皆堅卻不受年七十八卒

從

郡志

周鳴臯字仲符明經明布政汝璣子博洽經史勤學
不輟少年隨父官游藩臬布袍蔬食終身不改共
安澹泊里居以樸誠相往來無忤無競門庭雍穆

商城縣志

卷之九

隱逸

六十二

內外怡怡課兒孫反覆諄切昕夕無閒蓋其志尚
高蹈興寄林泉雖以清貧終老意恒恬如嘗自述
云啣林深自與抱膝且長吟此可以見其胸次矣

節郡志

流寓

凡十一人

明

黃竹窻自晦其名以號傳江西人曠致磊落通經術
工文詞愛商城山水依山而隱著有山西集
邱坦號長孺湖廣麻城人從事左史及山經水註無

本郡志

不熟悉奮志從戎揮毫草聖常登眺商山題咏有

集 本許志

顧中行字聖與湖州人胸有宏才以詩賦字畫相酬

答一時重之與邑人王湛臺爲詩友同有落花詩

刻存淳至堂稿 本許志

李贄號卓吾福建温陵人自建龍湖與無念禪師爲

友往來黃檗山中常講學花潭書院 本許志

薛敷教武進人由進士抗疏直言謫光州學正常策

蹇尋山徵花稅柳遇樵夫豎子與飲輒醉口中不

商城縣志

卷之九

流寓

六十四

設雌黃并不道仕宦隻字其爽勁樸直類此與劉

黃裳遊寓紫芝山樓樓在八卦亭去邑三十里今

燬 本許志

國朝

錢龍字開明湖廣人少爲諸生攻古文辭任俠負氣

不可一世旣而從戎歷蘇州水師副將以病乞假

遨遊山水間至商樂其風土遂僑棲焉放懷詩酒

吟嘯自娛與邑人往來酬和詩卷甚富蒼涼沉雄

自成一家作字亦遒勁可觀年七十餘卒 本郡志

程堦徽州府監生性孝友服賈致養康熙間來商闈
闡中恂恂訥訥人稱長者子宇璜有父風性尤長
厚孫國仁己未進士授編修逢 國慶贈堦宇璜
如其官曾孫家督辛酉舉人

桂世獬少貧習商賈有無懋遷一在邑一在江右貲
頗裕析箸以江右者讓兄曰吾不敢重貲財忘骨
肉也居鄉恤孤寡助婚喪有范姓者老乏嗣藉其
積數十金代爲經理及歿爲置祀田訪其族姪以
奉裡祀并鐫石爲之記

商城縣志

卷之九

流寓

六十五

柯國彩江南人貧能事親撫兩兄遺息如已出家稍
裕恒周恤貧乏舉鄉耆年八十卒

謝國泰江南人爲竹工以養親飯必親進食畢方噉
其餘無餘恒忍饑弗言侍繼母疾五載始終不怠
及歿哀毀骨立見者惻然

曹智安徽人業農父母歿弟掌甫四歲撫之成立爲
授室耕作不以相累曰我父母愛憐少子地下當
不異生前忍貽之恫乎後家資頗裕生一女與田
五石餘悉以付弟不嗣族姓子曰恐起爭端爲弟

累弟後以其季子爲之嗣

方技

凡十七人

漢

郭憲少好術數明陰陽推步之學建武七年爲光

勲從駕南郊憲在位忽向東北含酒三噉執法

爲不敬詔問其故憲對曰齊國失火故以此厭之

後齊果有火災與郊日時皆同遇大雨而熄雨有

酒香其居官大節具前仕賢傳中

本漢書

蘇耽桂陽人種橘鑿井告母曰後二年州大疫食橘

商城縣志

卷之九

方技

六十六

葉當自愈有鶴數十降門遂仙去後果疫母療疾

以生邑東南四十里有蘇仙石舊名大蘇里

從許志

明

田道人不著名字亦不知其爲何許人採藥金剛台

山遂棲隱其中綠瞳修髯竟年不火食後有人於

道旁遇之見離地數尺飛身而去

從郡志

曠烈名海育俗姓黃能詩文尤精書法爲博士弟

高等及明末寇變棄家披剃遨遊名山叅禪訪道

老而歸里棲虎塘寺終焉

從郡志

孫樂庵失其名採藥商城南山一日於市化柴薪運
至邑東南崇國寺後山之巔坐其上吐火自焚人
見於火焰閃裂中合掌端凝肺肝燎灼尋有人遇
於途曰吾已脫身去矣言畢不見從郡志
無念禪師名深有十餘歲祝髮遍叅諸方久之豁然
大悟始卓錫於麻城之龍潭廟後棲邑西南黃檗
山剪棘種畦與衆僧叅禪念佛遂成道場著黃檗
復問後圓寂入傳燈錄從郡志

國朝

商城縣志

卷之九

方技

六十七

靈岳名貫珙本姓徐長鬚偉幹猿臂善射遼陽將家
于也明末祝髮天童山寺悟無生法得臨濟禪宗
行脚叅訪自江浙歷淮揚至湘漢者二十餘載老
而倦於遊遂棲邑南永明寺鋤山種芋自食其力
頗工詩尤好讀書凡經史子集皆涉獵之與邑人
黃卷楊蘅爲方外友每過訪行歌贈答永夜不輟
年七十二示寂其徒德融亦能詩善楷書從郡志

醫儒明藍 槐 袁本德 李 根 符名世 沈

楷孝感人 李尙義穎川人 國朝李生魯 汪

亦臨 傅懷德 張恩煦
曲體父心
素有善舉

商城縣志

卷之九

方技

六十八

卷之九 終

